

IO: BAPTISTAE  
LAVRI PERVSINI  
CLERICI SEMINARI

*De Vita*  
*D. MARIAE AEGYPTIACAE*  
*LIBRI TRES*


AD REVERENDISS. D.  
NEAPOLIONEM COMITOLVM  
EPISCOPVM PERVSINVM.



PERVSI AE,

---

*Ex Typographia Vincentij Columbarj. M.D.C. llll.*  
*SVPERIORVM PERMISSV.*



REVERENDISS. DOMINO

NEAPOLIONI  
COMITOLO EPISCOPO  
PERVSINO.

IO: BAPTISTA LAVRVS PERVSINVS  
SEMINARII CLERICVS.



XIT in lucem, Pastor Am-  
plissime, primus hic vigilas-  
rum mearum fructus: te qui-  
dem non abnuente, me vero  
etiam exoptante: quidni enim  
ego me prodam? tametsi longe diuerso con-  
silio, ac pleriq;, opinor, interpretaturi sunt;  
temere, ambitiosq; a me videlicet factum,  
qui, nondum extra luuentutis metas consti-  
tutus, qua ætate compluribus in eo scriben-  
di genere pedem vix dum promouisse vide-  
ri possum, de edendo cogitauerim. Par-  
cant, obsecro, homines isti censuræ, nec  
me ante culpent, quam consilij mei ratio

nem inspexerint. Equidem dictū illud Senecæ Agricolam penitus deperdere, si quod semen inſeuerit, minus excolat, ita olim religioſe ſum complexus, vt ſiquid in me bonę frugis Poëtarum lectione erat inſperſum, emori minime paterer; quin potius enixe operam darem, quantum a grauioribus ſtudijs vacare liçeret, vt ſolerti ſubaſtione paulatim ſuccreſceret, meq; in ſpem meſſis vberioris, ſi qua vnquam, erigeret. Ea propter ex Alexādrini Clementis cōſilio (quod inſtitutæ vitæ rationem decet) Heliconem, & Cithæronem deferens, Syonem inhabitans, Muſas ipſas abire iubens, ac cæleſtes Mentēs meorum laborum auſpices inuocans, de *DIVA MARIA ÆGYPTIACA*, in quam peculiari affectu inde a pueritia exarſi, hanc opellam meditatus ſum; quę quamquam domi contineri poterat, ex umbraculis tamen in Solem eo potiffimum nomine emittitur, vt alieni iudicij exploratrix, atq; internūtia, quid mihi ex huius generis ſcriptis

tis posthac sperandum sit, fideliter, libere,  
 aperte indicet: nam nec ego Suffenus, nec  
 Simia, qui mihi met placeam: iudicium ero  
 go, non plausum, licet expectare & hunc ab  
 hominibus liceat, cum (quod aiebat Stras-  
 tonicus) nullo constet impendio. Quod  
 superest, foetum hunc, quem obseruantiae  
 meae apud te, Patrone Magne, obsidem esse  
 volo, fronte, qua res tuas consuesti, acci-  
 pe: tuus enim profecto est, si vel te spectem,  
 quo Poëseos in stadio, tanquam Acclama-  
 tore, bono meo fato, sum haecenus usus,  
 atq; adeo (ni obstet reuerentia) Præceptor  
 re: vel me, qui, cum ex tuo sim grege, tibi,  
 qui es Pastor, in primis deberi existimo,  
 quidquid vnquam a tenuitate nostra pro-  
 ficiscetur. Vale ex Seminario tuo. Cal.  
 Quinct. CLO, ID, C. IIII.

AD DIVAM MARIAM  
ÆGYPTIACAM.

Iacobus Viuolus Seminarij Clericus.



*AT* populis nota es, dum Cypridis  
igne calefcis,  
Dum deserta colis, Fama sepulta  
tua est:

*At* nunc, quæ Fama perierunt tem-  
pora, LAVRVS

*Reddit, & æternam donat habere diem.*

AD IO: BAPTISTAM LAVRVN  
SEMINARIJ CLERICVM.

Io: Nicolaus Leontius eiusdem Sem. Cler.

**N**ON prius aquoribus committit Nautæ Cymbam,  
Quam MARIS edoceat flāmea STELLA viam.  
Duc modo, LAVRE, tuam spatiosa per aquora Puppi,  
Qua MARIS in portum STELLA recludit iter.  
I modo, nec timeas, tumeant licet aquora ventis;  
Non valet aduersus vis inimica solum.

AD

*A D E V N D E M.*

Benedictus Monaldus Sem. Cler.

**L**AVRVS perpetuo resplendet honore comarum,  
*Nec vitio atatis carpitur, aut carie:*  
*Et tua perpetuum viuent mansura per auum,*  
*Qua canis heroo carmina, LAVRE, sono.*

*A D E V N D E M.*

Timotheus de Timothæis Sem. Cler.

**N**ATURAE vigili dum mente arcana penetras,  
*Teq; suis ditat docta Minerva bonis;*  
*Mirum, laurigero quod plenus Apolline; scribas,*  
*Qua Genio haud dubitem viuere posse suo.*  
*Nec tamen hoc mirum, cum te vna Pallas, Apollo*  
*Ingenij mira dexteritate beent.*

*A D E V N D E M.*

Virginus Castaldus Sem. Cler.

**N**ON miror, iuuenes quod vix dum euectus ad an-  
*Qua canos sapiant, talia, LAVRE, feras. (nos,*  
*Sic Phæbi Arbos, postquam exit tellure, virescit,*  
*Nunquam casuras induiturq; comas.*

8  
**A R G V M E N T A**  
**S I N G V L O R V M**  
**L I B R O R V M .**

*Primi Libri.*



**E** Solymæ deserta petat, **MARIAM**Q; tenebris

Eximat, insidijs Erebi Dux Zosimon vrget;  
Nequequam: festinanti Senior pede Diuam  
Consequitur, varijsq; beat sermonibus aures,  
Dum, Mundi qui fræna regant, causasq; vi-  
arum

Expedit, &, vitæ fuerit quæ summa, requirit.

*Secundi Libri.*

**F**lorentes xui cursus, crimenq; peracti  
Temporis, accessum sacram Salomonis in Urbem,  
Inuentæ celebrata Crucis mysteria, & almæ  
Præsidium Dominæ, transmissaq; littora sancti  
Jordanis, tacitis & quidquid contigit annis,  
Carminè perpetuo Nilo generata recenset.

*Tertij Libri.*

**Z**osimon innadit Febris, qua liber, ad vndas  
Procedit, vitreo desert sub carcere Christum,  
Cuius vbi **MARIE** simulagine passa, quieto  
Immoritur letho, Cæli supera ardua scandens.  
Atua Senex relegit, fufum tellure cadauer  
Componit tumulo, nomenq; euulgat in Orbem.



9

IO: BAPTISTAE  
LAVRI PERVSINI  
CLERICI SEMINARI

*De Vita*  
*D. MARIAE AEGYPTIACAE.*  
LIBER PRIMVS.



ILIACVM Germen, Caliq; adscripta  
maniplis  
Femina, Iudaei non vltima gloria  
Regne,  
Prima viam nostris ostendat in Astra  
Camenis.

*Aspirent Superi, quorum subiure frequentes  
Abramidum tractus, Aegyptiaq; arua tenentur.  
Non ego, felici labentem flumine Nilum,  
Imbre sub astino, clarum non Memnona plectris,  
Sole recens orto, cinctum non cornibus Apin,  
Aut Sistris refero ambitam resonantibus Isin:  
Plurima qua prisci celebrant mendacia vates.  
Sed quam Calicola, egressam regione Canopi,  
Puppe peregrinas nantem videre per undas*

10 De Vita D. Mariae Aegypt.

In fines, Galilae, tuos, Iordanis ut vdas  
Tranarit digressa vias, seseq; recessu  
Sedis inaccessa, nudoq; sub aetheris Axe,  
Abdiderit, sceleri ereptos ubi duceret annos.

Tuq; adeo, qua sola hominem nigrantibus antris  
Eripis, aeterno secundans secula partu,  
VIRGO, faue captis: tua laus, te supplice vultu,  
Te prece votiva exorat, tibi prima sacratur  
Linea, postrema tibi clauditur orbita vitae:  
Tantus amor, superis animam redimere coronis.

ORBE sub Eoo, Solymae in mœnia vergens,  
Silua frequens, sancta coniuncta crepidine ripa,  
Vicino alluitur Fluvio, qui Monte receptus,  
Transmissus per operta soli, radicibus imis  
Excipitur Libani, geminosq; abscissus in amnes,  
Vsq; fluit, donec, rivis coëuntibus, vno  
Arctatur gremio, dupliciq; e nomine nomen  
Iordanem recipit currentibus aureus undis.

Intus odoratos educit in aëra conos  
Pinus amica fretis, frondet procera Cupressus  
Aemula Pyramidum, belli domitura furores  
Fraxinus, apta oneri Palma, intactumq; veterno  
Robur, & aquoreas Abies visura procellas.  
Nec vero Nemus in longum protenditur: ingens  
Planicies post terga iacet, vix illa minutos  
Emicat in satus, teneras vix educat herbas.

Solis

Solis ab adspectu feruens, eademq; calentes  
Imbribus vda sinus: non illic vomere Bruma,  
Autumnus pomis, violis Ver, frugibus Aestas  
Noscitur: hinc regio mutis animantibus orba,  
Squallet, & humanas excludit inhospita plantas.

Hasne olim quemquam vestigia ferre per oras  
Egit amor? Pharias inter celeberrima Nymphas,  
Claruit ut fædis quondam Cythereidos armis  
Effuso teneras populata Cupidine venas:  
Nunc, longe castis aterni Pneumatis armis,  
Excita, caelesti mentem radiata sereno,  
Illustrat Solymas aui matura latebras.

Huius ut egregia fluere in sæcula laudes,  
Et totum caneret vox indefessa per Orbem:  
Deterfas anima labes, quas cætib; olim  
In medijs illex, atq; inconsulta Libido  
Intulit, unde frequens posthac exempla capeffens  
Posteritas, Ditis rictus eludat hiantes.  
Illustrem senio quendam, canisq; verendum,  
Nec per inaccessas metuentem vadere silvas,  
Rex Cali excierat. Mens haic infederat, omnes  
Scrutari saltus, nemorumq; errare per umbras;  
Si qua latebroso caelestia pignora valles  
Occulerent. Iamq; euectus Iordanis ab unda  
ZOSIMVS (hoc illi nomen) confinia Silue  
Legerat apposita: Cum formidabilis Orci

Arbiter

12 De Vita D. Maria A'gyp.

Arbiter obliquans oculos, qua prapete gressu  
Carpit iter, trepidas trebi suspirat ad Arces,

Atq; ita. Me ferus iste, meosq; euertere honores  
Apparat, & Fidei instimulat Furor: hoc mihi bellum  
Ira ciet Superum, v'sq; adeo immortalibus actus  
Saue Parens, odys in me, gemitumq; meorum,  
Armabis, nostri longum qua iura senatus  
Seruarunt, aditusq; in Tartaron angustarunt;  
Ingenti semet scelorum dum fasce fatigant,  
Et contage premunt alios, olid: sq; profanant  
Sordibus? In vetitos an non satis isse Triumphos  
Indignam Pelagen? non qua tractare pudicos  
Ausa pedes Domini, iusto licet increpet illam  
Ore Simon? non innumeras, quas non nisi fessus  
Enumerem? placet, huic etiam indulisse calentes  
Gymnadas, obsceni'sq; exercita ludicra mensis.  
Esto. Poli (quamquam ò) Meretrix aspiret ad Axes:  
Exuerit labes, Christo aspirante, nefandas,  
Intrarit tacitas, me non prohibente, latebras;  
Quid iuuat, ignotis assuetam degere in oris,  
Ad Cali reuocare diem? quo cognita Mundo  
Aggeret, heu, nostris maiora pericula Regnis.  
Non ita. Tartarea vos hinc properate caterua  
Fluminis ad ripas, Solymam quod circuit Urbem:  
Aëreas accite acies, inde agmine facto  
Silvarum prohibete aditu, quicumq; proteruo  
Audeas

*Audeat ire gradu: finem dedit ore loquendi,  
Ac scepro signavit iter. Tunc Orbis opaci  
Faucibus emergens, tenues exercitus auras  
Occupat, & medias inter terramq;, polumq;  
Aduocat Asmodeus fraterna voce cohortes.*

*Protinus accincta facibus Phlegetonte reſectis,  
Obſedere nemus. Puro ſic melle liquentes  
Ne ruat in cellas, preciſi raptor honoris,  
Cecropia ſtipantur Apes, portisq; malignis  
Opponunt animas, vibrandaq; ſpicula in hoſtem  
Exacuunt. Lucus tatroſ exhalat odores,  
Per truncos ſimulacra volant, ſeralis opaca  
Vultur fronde ſedet, metuendus carmine Bubo  
Ingemit, inſauſtaq; ſonant ſtrigis omina, ſpectes  
Cerberet tria colla Canis, Sphyngaſq;, Chimaraſq;,  
Hydras, Harpyas, & Gorgonas, & Centauros;  
Quaq; tenebroſo liueſcunt Monſtra Baratro.*

*Iamq; Palaſtinis propior ſit Zoſimus umbris,  
Iamq; pedes inferre parat; ſubito ecce tumultu  
Silua fremit, rabieſq; armata inopina phalangis  
Frondeb; erumpit, gradientemq; igne minaci  
Turbat, & ab furuiſ lucorum ingreſſibus arcet.  
Ille tamen pergit: ſedenim concepta latentes  
A perat ira Feras, te vi grauiore repellunt  
Sancte ſenex, in te rapida plebs cruda Gehenna  
Cratſatur, crebriſq; minis vix ſufficis vnus.*

Ergo

# 14 De vita D. Mariæ Ægyp.

Ergo animi dubius pressit vestigia, secum  
 Multa putans: ceu si motam pugnantibus Austris  
 Viderit esse Ratem Dux, ambigit atrane contra  
 Nubila, & aduersas ventosi fulguris iras  
 Tendat, & an pauidam referat naualibus Alnum:  
 Attamen Arctoa sperans de parte salutem,  
 Acrisius urget aquas, & multo remige pontum  
 Verrit, & inuitis fertur trans aquora ventis.  
 Sic prope, suppetias Regem dum poscit Olympi,  
 Et mouet arcanas voces, immanis eundi  
 Impetus increuit. Necte, Pater Optime, vota  
 Præteriere Senis; sed, quem Garganus adorat,  
 Conspicuum iaculis, pulchroq; Adamante rubentem  
 Accersis, Solymaq; hostes regione fugandos,  
 Edicis; cursu arrepto, tecta ignea linquens,  
 Bisquinaeq; plagas, qua flammea sidera flammis  
 Fæta creat regio, & clypeis candentibus ardet,  
 Constitit, & tremulam iam iam victura senectam  
 Agmina, liuentes caelesti fulmine ad umbras  
 Trudit, & Empyream remeat festius in Arcem.  
 Quam Lemurū numerosa cohors! aut quale per auras  
 Murmur! ut astiui cum lux optanda sereni  
 Desyt, ac pluuijs fecundior ingruit annus,  
 Grandine inundat humus, rapido qua concita lapsu  
 Dissilit, & Baccho grauidas exterminat umbras.  
 Horror abit siluis, qua nil crudele minantes  
 Accepere

Accepere Senem. Luci frondentis opacam  
Explorat taciturnus humum, non abdita cecis  
Antra latent scrobibus, non longum ducta per arcum  
Frondea tecta virent, non robora Querna pateſcunt.

Ergo ſecretas Nemoris prætermeat oras,  
Biſdenoſq; dies, per inhoſpita teſqua, per amplum  
Tendit iter ſpatium, campiſq; patentibus errat.

Attingerat mediꝝ Titan faſtigia Cali;  
Cum, matutino qua lux l'haëtonia mundo  
Panditur, obtutus voluens, ſic farier orſus.

Alme opifex rerum, primo qui Germen ab auo  
Elicis, & ſanctum ſpiras non unus Amorem;  
Incertas errore vias, greſſuſq; ſeniles  
Dirige: ſi quondam gentilibus auheor aruiſ  
Te propter, ſi tecta libens aliena frequento,  
Annuus ignotos gradior ſi ſponte per agros:  
Da mihi, vel veterum veſtigia noſſe Parentum,  
Da, vel Eremicolam, melior quo auctore niteſcat  
Lux animo, reſideſq; abigat de mente tenebras.

Audijt Omnipotens, totumq; aſſenſibus Axem  
Impulit. Oppoſitam Scythia reſpexerat oram:  
Tunc, e longinquo ſpecies tranſmiſſa, pauentes  
Spargitur in viſus, niueo fax debilis orbe  
Redditur, & tremula caligat imagine forma:  
Suoſpenſam tamen euariant ſpectra obuia mentem,  
An, quæ ſopitos ſenſus ſimulacra flagellant,

Hauſerit



16 De Vita D. Mariae Aegypt.

Hauferit, aut agris qua somnia fingit amaror.  
Contraxere metum crines, transfusus in artus  
Terror igit; nostra aëlutum vexilla salutis  
Exerit, obstantesq; oculis fugere tenebra.

Ecce procul tepidos MULIER spatatur ad Austros,  
Tarda gradu, nullo velamine corpus amicta,  
Nigrantes eneclata genas, mensura comarum  
Tenditur aure tenus, fusco vigor entheus ore  
Diffluit, occultos anima qui prodit honores.  
Nunc protensa manus, scelera impia defodit Orco;  
Nunc iunctas referens ad pectora, stibilis Astra  
Suspicit, & patrium tacite suspirat Olympum.

Continuo stupidas opplentia gaudia fibras  
Dant studio feruere via, mora nulla coercet,  
Haurit anhelus iter, seniumq; imbellis fatigat  
Impiger, & sterilem late metitur arenam.  
Nec minus, etatis post lustra nouena peracta,  
Inspectus MARIAM recreat Pater. Ast ubi cursu  
Sollicitum, seseq; gradu propiore petitam  
Respicit; angustis qua faucibus area deses  
Arctatur, nigraq; patent confinia terra,  
Molitur diuersa fugam. Sic euolat Alnus  
Ad volucres conuersa Notos, si limite Eoo  
In suamet cernat ferri armamenta Carinam,  
Hostilemq; putet: feruentius instat; at imas  
Illa rapit suspensa vias. Concluditur arcto

Area



*Aræa longa sinu, scatebras quo denius olim  
Egerat allapsus per saxa rigentia Torrens:  
Nunc sterilis, nullaq; tumens vligine venas,  
Peruia Phoebigenis extendit viscera flammis.  
Huc ubi peruentum, paullum fuga forte remissa est.*

*Cum Pater. Aetherios audium cognosse clientes,  
Atq; ideo emensum Solymi tot iugera Regni,  
Alloquio dignare, Pater. Quid scrupæa gressu  
Rura voras, placidoq; senem non ore tueris?  
Desine, per Superos, cursu iam temet anhelò  
Conficere: Eumenidum non me huc suriale venenum;  
Non Erebi fraudes, ininicaue adegit Enyo.  
Porro hac consilio, Diuisq; vocantibus arua  
Asseror. Ah saltem fugitiui lumina vultus  
In me verte tui: sint o mihi lumina tanti;  
Quando, vel in media campi regione, petentem  
Optata refugis similagine pascere lingua.  
Talibus orabat, lacrymaq; per ora fluebant.*

*At contra Mulier. Ne, Zosime, perge sequendo  
Femineos vexare pedes; muliebria dantur  
Membra mihi, radios quæ non impune tuentur  
Solis, & assuetam tenebris nigrescere noctem.  
Tu potius, promissa tegunt quæ tegmina pallam,  
Interius quæ corpus obit, concede roganti.  
Sic umbrata humeros, vestemq; accincta fluentem,  
Adspectus patiar, iam nil auersa viriles.*

B Obscuro;

# 18 De vita D. Maria Ægyp.

Obstupuit; grauidumq; gerens formidine pectus;  
 Pane retro conuersus abit. Quid nouerit, inquit,  
 Femina, desertos celebret qua condita campos,  
 Me Mundo emersum primis qua Mater in annis  
 Voce salutarit? secum dum talia voluit.

Confestim sacro vibrata ab Flamine Lampas  
 Multifido ambiguam radiorum aspergine mentem  
 Irrigat; agnouit manifesto numine ductam  
 Ignotum proprio se nomine compellasse.

Ergo superiectos armis deponit amictus;  
 Contentus secreta tegi, vultuq; reflexo,  
 Progenies ut bina Noe, qui sorte superstes  
 Molibus vndarummersum noua sacula in Orbem  
 Transtulit; aduersas clamydem proiecit in oras.  
 Arripit iniectam Mulier, tergoq; refusam  
 Ante sinus solido distringit fibula nexu.

Tum iuuat exutam rugis aduertere frontem;  
 Inq; hominem vibrare oculos; suspensa;q; mentis  
 Viscera latitiæ dulci perfundere nimbo.  
 Inde ait. Et tantum potes exhaustisse viarum  
 Me propter? quidquamne aui peperere tenebra;  
 Quod solem meruisse queat? per deuia mundi  
 Degimus, & leges patimur telluris iniquas,  
 Immerita castas hominum spirare cohortes  
 Inter, & innocuas vitæ melioris Alumnas:  
 Donum grande nimis, communi vescier aura,

Cumq;

Cumq; Astris Phaëtona pati. Nec plura, repente  
 Infirnum curuare genu, capitiq; verendam  
 Caniciem prostrare solo, blandusq; precatu  
 Exorare tuam, tellus Galilæa, colonam;  
 Armet ut orantem signo, quo in Tartara tendit  
 Noctis amica phalanx. Non segnior illa petentem  
 Summonet, ac supplex etiam procumbit: uterq;  
 Alterius luctatur opem, seseq; vicissim  
 Inuitant, verboq; simul de principe certant.  
 Haud secus Heroas, refici dum mitibus optant  
 Colloquijs, pugnassee putem, quibus æthere ab alto  
 Duplice pro victu maiorem detulit escam  
 Coruus. adhuc anceps agitur lis, quis prior ore  
 Inchoet, & sancto recreet sermone secundum.  
 Cum generata Pharo. Tibi debitus, alme Sacerdos,  
 Vocis honos; qui liba Deo, dum mystica Patrum  
 Ornamenta geris, purgatis frugibus offers.  
 Quid maius? modico Regem concludere in Orbe,  
 Cui sedes angusta Polus, cuiq; omnia subsunt,  
 Et noua calêstes trahere ad spectacula maniplos.  
 Infra te Isacides, cedit tibi gloria magni  
 Moseos, & quorum mentes caligine septa  
 Occiduas Legis Christum nouere per umbras.  
 Ille sub hac. Et te Superum præsentior Aura  
 Roborat, unde animo, qua nusquam videris, hærent.  
 O Calo cognata Charis, nec fascibus ullis,

20 De vita D. Mariae Ægypt.

Nec secum qui sceptrâ coquat bene digna locari.

Tu, Dea, secundum guttis caelestibus antrum

Corporea regionis habes; nil fraude maligna

Inficeris, turpesq; anima fugis auiâ sordes.

Ne, Mater, frustrere preces: Crucis aurea per te

Signa salutifera firment mea pectora parma.

Victa rubet, paulumq; oculos demissa, modeste

Annuît, atq; senis vix tandem indulgit amori.

Protinus assurgunt; mox qua vicinior agger

Eminet, & totam late despectat Eremum,

Et non ingratam sedem languentibus offert;

Exiguum meditantur iter: defessus euntes

Destituit, fluctuq; volans se condit Hiberno

Phœbus, & emersum reficit Cythereidos Astrum:

Hic MARIE. Quando autem te huc caelestibus actum

Auspicijs, manifesta fides: dum defluus orbem

Splendor habet, puroq; fauent Astra alma sereno.

Incipe, qui Mundo Reges, quàm firma per Vrbes

Religio, Fidei cui commendentur habena,

Et longum ignoti seriem mihi differe sacri.

Qui nihil ancipiti poscentem voce moratus:

Narrat. Anastasium, cui cura exesse nefandis

Christiadas odijs, hostiliaq; arma fouere,

Post domitos bello Siculos, & Isaurica Regna,

Impensasq; auri turpi pro fœdere massas,

Iratos sensisse Polos, incendiaq; atrâ

Fulminis

Fulminis obscuris Orci expirasse sub umbris.  
 Te pariter, primo fueras qui solis in ortu  
 Pingua lanigeras ad pascua ducere turmas,  
 Atq; sub occasu noxis includere septis;  
 Sederis ut rerum solio, sceptrisq; verendus  
 Felix Casareo radiaueris vnus in oëtro  
 Aequior Eunuchi, Iustine, peremptor Amantij.  
 Principe te, versi in melius Pietatis honores,  
 Harescon restincta lues, Fideiq; profundum  
 Vlcus te solo passum regnante recidi.  
 Hinc plaga latatur Syria, ditionis Eoa (mes,  
 Regna, Tyrusq; fremunt; hinc crebrior incola Idæ.  
 Et Calcedoniæ tellus iam mitior orbis.  
 Tu fortes Hunnos, in pralia Bosphoron armas,  
 Prosternis Cabaden, populos tutaris Hiberos.  
 Felix Hormisda sacrum! cui nempe tot inter  
 Vndarum cumulos, Petrum, Cymbamq; petentes,  
 Cernere paciferam de Cælo labier Iuin  
 Contigit. Adde ortum Scotorum finibus Astrum,  
 Adscriptum Calis Astrum, te scilicet ingens  
 Brigida. Sed Thusci fors durior illa Ioannis;  
 Dum Theodorico mæsta fera sceptræ regenti  
 Italia, in longas legatus truditur oras  
 Casaris, iniusto pro fœdere desidis Arrij:  
 Quamuis eximium laudis per rura Corinthi  
 Reddat Equus, quem plenū animos, passosq; superbum

22 *De Vita D. Mariæ Aegypt.*

*Pondere compressis nunquam conscendit habentis*

*Femina. Tu extremis quo floreat usq. sub annis  
Firma Fides, mundiꝑ plagas, ac littora victrix  
Occupet, excussis niuibꝑ qua semper abundant,  
Quaꝑ calent rapido Solis propioris ab igne,  
Quaꝑ tepent; precibus non indignabere fuis  
Implorare Deum. Puppis quam plurima remis  
Bracchia nixa mouent (Mulier tunc excipit) undas  
Discutit, optataꝑ, sedet pernicios acta:*

*Non secus aternas Oratio fertur in Arces,  
Et Triados genua alta tenet; numerosior illam  
Si remex agat, atq. hominum multo effluat ore.  
Paret ab his Senior, sanctiꝑ, ut Flaminis auram  
Concepit, sese totis complexibus arctans  
Sternitur; illa tuens, rubro quam limite partem  
Oblinit, Antipodum nigras dum deserit oras,  
Et remeat nostros Hyperione nitus ad Axis;  
Paullatim erigitur, mediasq. effertur in auras,  
Inde immota manet. sic prima a sede reuulsa,  
Orbe sub infanti suspenditur aëre Tellus,  
Aeterni Genitoris opus. sic rore pudico  
Qua plantas Christi ablutas fragramine Nardi  
Sparsit, & effusis tersit gemebunda capillis,  
Extremos rigidis ducens in vallibus annos.*

*At Lemurum Princeps, medys qui tractibus errat,  
Triste licet doleat, Nemoris patuisse latebras,  
Desertoꝑ*

Desertosq; Agros, suaq; agmina passa repulsam,  
 Elusum Ditem, cassas euentibus artes,  
 Nec iam posse obito seniore avertere campo:  
 Inuidia maiore calens; quo more Leones  
 Verbere se cauda stimulant in bella ruentes,  
 Se se acuit, Fratremq; vocans, cui munia mentem  
 Flecteri, & (heu pronā) trahere in conuicia linguam.  
 Quamquā, inquit, plures conamina nostra p horas  
 Duci haud posse reor, vicinaq; numina pugnant;  
 Vcl minimum nos vsq; iuuet; Pater unde rigorem  
 Mittat, nec pānas prorsum patiamur inulti.  
 A' picis, ut terra emineat, palmasq; supinet  
 Femina? ut acclinis senior tellure moretur?  
 Carpe viam pernix, nocituras excute vires.  
 Tu potes affixas templis, tacitumq; gementes,  
 Et tamen arcana prece pignora suspirantes  
 Arguere, immodico implerint ceu viscera Baccho:  
 Tu potes instabiles undas dum calcat Olympi  
 Vindex, attonitis mirantum cordibus altos  
 Insinuare metus, turpe ut Phantasma, cauamq;  
 Corporis effigiem credant; tu doctus honorum  
 Frangere iura, dolos serere, atq; odia aspera ferre:  
 Tende truces animos, nec mollia tempora differ.

His dictis, mentis fulmen non ocys errat.  
 Itq;, reditq; vias Erebi, rerumq; frequenti  
 Agmine, quotquot habent armamentaria Ditis,



## 24 De Vita D. Mariæ Aegypt.

*Deligit immundum Calicem. Pauor ingemit intus;  
Consiliumq; animi praeceps, linguaq; malignum  
Virus, Tartareoq; latex libatus ab amni.*

*Namq; ferunt: postquam detrusas axe cohortes  
Aëreæ obruerunt aeterno carcere nubes;  
Exclusumq; hominem Nemorum felicibus oris,  
Olim autem vacuas rediturum in Principis Arces,  
Savior excepit mundi plaga; nocte, dieq;  
Seruantem memori Sathanam sub pectore vulnus  
Mille extruxit artes, & nomina mille nocendi  
Germinis in magni exitium: sed ea inter amaros  
Excudisse Scyphos, & pestiferos Crateras,  
Aptos Eumenidum serere in praecordia pestes.  
Hinc, & qui Inuidia stimulis ignescit, & Ira,  
Quiq; tumet, miseroq; auri pallescit amore,  
Quemq; iuuat rugis frons obsita, quiq; calescunt  
Ventris ab ingluvie, fædog; Cupidine feruent,  
Ante nigram saniem, monstrosaq; pocula biberunt.*

*Fit propior, pronumq; senem furtim afflat, & atra  
Proluit in patera: perlapsus ad intima inundat  
Humor, & orantem exturbat, qui lumina tollens  
In MARIAM, extantemq; solo, nec labra mouentem,  
Turbato trepidos in pectore concipit ictus,  
Membraq; praecepto torpent defecta calore.  
Tunc anceps dubio sensus sub corde recursat,  
Aëreone sinu tenues obduxerit artus*

*Spiritus;*



*Spiritus, horrendi specubus deductus Aueri,  
Feminea ignarum tacite qui eluderet umbra.*

*Et secum. Qua, Galicola, funesta parantur  
Monstra mihi? post implicitas, longasq; viarum  
Ambages hac parva quies? ut scilicet astu  
Cingar, & in rabidum miserandus deferar hostem?  
Ah, quid, dum cursu fugientis concita feruet  
Area, & adspectu se subtrahit inuida nostro,  
Sufficitis vires, & nil obstante senecta,  
Firmatis tremulam per crebra efflamina mentem?  
Tunc tempus gressum cohibere, doloq; paratos  
Pramonstrare Polo, tonitru sub sidera misso.  
Nunc iuxtim furui fax despectissima Regni  
Ore preces vomit, & sedes suspirat ademptas?*

*Sic miser ad multam noctem trepidantior Agno  
Fluctuat; undoso nutantem gurgite Petrum  
Dixeris; & fessam Mundo vanescere Lunam;  
Et Calo Paphias gaudet fulgere fauillas.*

*Viderat arcano curarum pondere pressum  
Nata Pharo, sparsamq; senis per pectora nubem.  
Ceu vitreas sol transit aquas; nec claustra fluentis  
Materia abruptit, multo nec lumine frangit.  
Tum pauidum dictis firmans. Nec te penes, inquit,  
Tartarei vis vlla Ducis, nec te vlla furentum  
Fax petit Eumenidum: mentis quin excutis umbras,  
Et reddis iam inte tibi? mortalia cerne*

*Membra*

26 De vita D. Maria Ægyp.

*Membra: queunt longis obnoxia Solibus uri;  
Ventorum gelidis perculsa rigescere pennis;  
Interius veros anima epotante dolores.*

*Sic dulces radios in te supremus Olympi  
Rektor agat, mersumq; nigra caligine Mundum,  
Et crudas Erebi Legiones usq; gementem,  
Cernere det, qualesq; parent in pralia casses,  
Quotq; plicent hominū, venantum more, maniplos.*

*Tantum effata. Sinus, humeros, vultumq; superne  
Quadrifido emunit signo; nouus inde referfit  
Ora nitor, viuas iaculantur tempora flammæ.*

*Mosen lucifluo credas a monte reuersum;  
Vsq; adeo iubar irradiat: tunc ille resudans  
Epotos latices, insertaq; semina culpe,  
Concidit in vultus; atq; hinc de plebe videtur  
Cornutam faciem non agnoscente beati*

*Principis; hinc gremio cum quis præreptus anhelæ  
Doridos, aduersi miscent ubi fulgura venti,  
Siat rationis inops; tandem ut lux reddita menti,  
Proditaq; occultis defleuit crimina guttis;*

*Per rerum Dominum, per carnea vincula, quæ se  
Implicuit, cum siderea Genitoris ab Arce  
Fluxit Virginea media inter claustra Puella,  
Auspice quo cruda per tela argentia bruma,  
Nimborumq; minas, fluidosq; e nubibus imbres,  
Perq; Cleonaos graderis vel nuda vapores:*

*Annorum*

*Annorum ne conde moras, ignotaq; vitæ  
Lumina; pande mihi Quæ sis, qua duceris Vrbe,  
Quid petis, & sedes tacitas quo Sole frequentas.  
Pande libens; tua laus agitur, dator Optime, tuq; hinc  
Nosceris, usq; tui latitans caligine Mundi.*

*Quæ diam secreti beat sapientia mentem,  
Diues inauratos operit quæ glaba fluores,  
Vllane venturis referent compendia damnis?  
Sed nec Fama nocens, doctusq; obtrudere palpum  
Arguerit te laudis amor, Deus omnibus auctor,  
Quo duce non notis plantas impressimus aruis:  
Nec fallor, primæ memini data signa senectæ.*

*Sexdenos Veris tererem cum forte recursus,  
Diligentium premor insidijs; qui plurima dum Nox  
Incumbit terris, & habet mortalia Somnus;  
Mentiti sanctos Superum de gente Ministros;  
Vocibus his vti mecum, Te, quem noua Calo  
Gloria sublimem caelestibus euhebit alis,  
Cuius & in Solymis nomen percrebuit oris,  
Quaq; Palestina surgunt in culmina Valles,  
Venimus admonitum. Tempus iam deniq; sacris  
Insedeas claustris, ne te per rura vagantem  
Spectet ab Axe Deus: veniet longinquior hospes  
Te visum, innumeris qui dotibus aurea vincis  
Sidera, quotq; obitu pariter lassantur, & ortu:  
Ibam nocturno tumidus præcordia visu,*

*Lacta-*

28 De Vita D. Mariæ Ægypt.

Laetabantq; rudem mendacia credita sensum.  
 Cum mihi (pro Superum pietas!) se obiecit cunctis  
 Ignoti noua forma Viri, qui voce verenda  
 Orci aperit fraudes, verisq; hortatibus implet.  
 Tende alio cursus, Patremq; imitatus Abraham;  
 Orbe tuo egredere, & castam Iordanis ad oram  
 Siste pedem. Gens tecta cauo capita alta cucullo  
 Propter agit, qua Sol radijs nil iustius ambit.  
 De grege iam dicor; leges hinc nempe secutus  
 Non sine mente Dei nouus ad te deferor hospes.  
 Nam qua luce latens Christus, frondentibus errat  
 Siluarum latebris, patiturq; dolosa profundi  
 Tentamenta Ducis; lapides ut vertat in escas,  
 Irruat in praeceps, Princeps dominetur in omnes;  
 Abscedunt tectis Patres, cunctosq; peragrant  
 Circuitus, quotquot lambit vicinior amnis.  
 Lex ea digressis. Vni gradientur, & instent  
 Vsq; via; donec tergo deuectus Aselli,  
 Dum Pueri palmis, terramq; tapetibus ornant;  
 Illustrem Dominus Solymorum ascendat in Urbem.

Ille hac. Cunctatur Mulier, propiorq; coacta  
 Incipit, ima alto suspiria pectore ducens.

Et pudet infectos maculis tibi prodere mores,  
 Et, ne pollutus memoratis sordibus aër  
 In nubes cogat sese, turbetq; loquentem,  
 Extimeo; tuq; ipse oculis obtendere palmas

Cogeris,

*Cogeris, vita metuens opprobria nostra:  
Forſq; alio captabis iter: ceu gramine campi,  
Cum, quis in obſtanteſt veſtigia torſerit Hidrum,  
Lauus abit, ſluxoq; pauet fera ſibila grefſu.  
Si tamen emeriti dulce eſt cognoscere ſacſi  
Dedecus, vt nudam nuper tibi viſere promptum,  
Omnigenum nudabo nefas, morumq; meorum  
Diſſidia, & ſclerum fontes ab origine pandam.*

*Libri Primi Finis.*



IO. BAPTISTAE  
LAVRI PERVSINI  
CLERICI SEMINARII

*De Vita*

D. MARIAE AEGYPTIACÆ.  
LIBER SECVNDVS.



ONSEDERE loco, pronaq; ubi fron-  
te parumper  
Conticuit, ducto sic longius inchoat  
orsu.

*Qua septemgeminos fluit erupturus  
in amnes*

*Largior, ætino Nilus magis imbre tumescens;  
Terra mihi gentile solum, spirabile Solis  
Hic lumen, primasq; hausi miseranda tenebras.  
Nec vero annorum referens elementa meorum,  
Nutricum teneros lusus, dulcesq; Parentum  
Blanditias, qua bisseis mihi cognita in annis,  
Ægypti portenta canam, divasq; Deorum  
Effigies, Patrum cultis orientia in Hortis  
Numina, & educas Heroum ad sidera Turres:*

Sat primas aui curas; tunc ducere eburno  
 Pectine casariam, nodis innectere, in orbem  
 Colligere, intortam niueis aspergere gemmis,  
 Infuscare genas, inquirere qua noua formam  
 Damna iuuent; quaq; in mores infanda pudicos  
 Coniurant, vertuntq; animos. Duodenus adulta  
 Fluxerat Autumnus; patriaq;, domoq; relictis,  
 Adueni; Emathy qua sterps generosa Philippi  
 Condita marmoreo iacuit post fata sepulcro.  
 Sola quidem, multo at Veneris deducta paratu:  
 Munit iter vinclis insana Licentia ruptis,  
 Fertq; faces impurus Amor, Petulantia circum  
 Errat, & effusi Risus: tunc perdit, & amens  
 Incusloditi iura exsoluisse pudoris,  
 Et memini, & meminisse pudet. Qua mollior atas  
 Patrarit, cecis iam peruia facta ruinis;  
 Quis fando plenos oculis non exprimat imbres?  
 Exsequar illa tamen; quamquam meminisse, latentes  
 Mens abit in lacrymas, & pectora mæror acerbat.  
 Quam fera nox animo, quam nil iucundius illa  
 Luce mihi; qua Virgineas despexi coronas,  
 Atq; Cupidineis potui dare colla catenis!  
 Ex illo crebris indicere ludicra mensis,  
 Inq; iocos laxare dies, nimiumq; proteruis  
 Ebria delicys, lusus geminare procaces  
 Occepi: non muneribus ducebar opimis



32 *De vita D. Mariæ Ægyp.*

*In Venerem; Veneris merces vel magna, voluptas,  
Et geminandus amor: mentisq; infra atria nostra  
Omnis gazarum penitus subsederat ardor.*

*Quin ego saepe hominum vel prouida corda cœgi  
Incestare Polos, sopitaq; pectora in ignes*

*Arrexi, nec cura animo: nam sponte ferebar  
In luxus, sensumq; malis excusserat usus.*

*Nec mihi quis Pelagen, peritura aut Taidis acta  
Præferat, aut sacris quæ furtim elapsa latebris,*

*Indulsi ganeis, donec Pater exitus Abrahæ  
Militis effigiem mentitus, & ora procantis;*

*Rursus in antiqua claustris conclusit Eremitæ.*

*Iamq; recensitos ultra ter quinq; Decembres  
Exierat Titan; & adhuc sine fine fruebar*

*Illecebris, turpesq; trahens ingloria noctes,*

*Ingenti Macedum macularam crimine terram.*

*Fors etiam sensere nouam tecta hospita pestem,  
Et populi timuere luem, propiusq; periculo*

*Ad Superos fudere preces, ne impune vagari*

*Talia Niliacas paterentur monstra per Vrbes,  
Areret fons iste mali, siue acta Getarum*

*Trans scopulos, sparsum maculis traduceret animum;  
Ingenio peritura loci. Non irrita voces*

*Detulit aura tuas, Vrbs labibus oblita nostris;*

*Ante utinam tales fudisses ore querelas,*

*Addictam Stygys quæ me rapuere cauernis.*

*Tempus*



Tempus erat, cum vicinum properaret in aquor  
 Late hominum conferta manus, quos humida Nili  
 Clausura tenet, quos Coptos habet, monstrosa; pascit  
 Aegyptus; Lybicus quos montibus educat Hammon,  
 Et Ptolemaea Pharos, nimis; exhausta Syene  
 Ignibus: ardet iter, ruit indiscreta iuventus  
 Oblonga ad talos spectanda in veste, lacertis  
 Taurinam pellem, dextra; hastilia gestans;  
 Omnibus in vultu Pietas: iam scanditur Alnus,  
 Et medio fertur Zephyris spirantibus alto.  
 Parte alia crebras alij densare biremes  
 Ad littus, mistis; sinus onerare manipulis.  
 Obstupui, atq; adeo rerum studiosa novarum  
 Appropior Iuveni. Dic o quid tantus ad undam  
 Concursum? quo terrarum gens confluit isthac?  
 Ille autem. Sacras Solymorum tendit ad Arces,  
 Spectet ut inclusum gemmis venerabile Lignum,  
 Christi illustre decus, cuius sollemne trophaum  
 Proxima Luna refert: si suaserit ire voluntas,  
 Tunc ego, composita reris me puppe receptent?  
 Donetur merito, subdit, si Navita nullo,  
 Has certe tranabis aquas. Mihi munera nulla,  
 Nulla mihi argenti vis est; sed certus eundi  
 Impetus expositum iam destinat ire per aquor.  
 Ibo audax, & si rerum ferar indiga, & expers,  
 Haud expers tamen ibo mei. Subrisit; at ipsa

# 34 De Vita D. Mariæ Ægypt.

*Vsq̃ue furens, Pinum gelidas tum forte parantem  
Nereos ire vias, conscendi; interq; inopinas,  
Sicut eram malefana, procax, elumbis, & illex,  
Delibuta comas, fucato splendida cultu,  
Emicai luenum, portentum immane, cohortes.*

*Hic ego quas scelerum facies, quantumq; per omnes  
Conflarim miserranda nefas, quis carmine digno  
Explicit? incesta potuim Mare findere puppi,  
Perq; profanatas errare procacius undas?  
Continuitq; manum Genitor, ne calitus ignem  
In fontem iaceret; ne venti aduersa frementes,  
Vrgerent fessas in saxa latentia tonsas?*

*Prò Pietas? desauit hiems per carula, Ionas  
Dum dicto parere negat, Monstriq; reclusis  
Faucibus hauritur: liquidum dum Legifer Heros  
Currit iter, Rubriq; Maris curuatur vtrinq;  
Lympha fugax, medio Pharaon iacet obrutus alueo.  
Ast ego contemptrix Superum, fax subdola amoris,  
Quaq; meos comites sub iniqua Cypridos arma  
Hostis amica adigo, non deturbata ceruchis  
Pisce vocor, reflua non obruor aquoris unda.  
Sed tutam, nullog; Aquilonum turbine raptam,  
Emensam placidi terga inconcussa profundi,  
Optato exponit Ratis imperterrita portu.*

*Iam tractus, Iudaa, tuos, Solymaq; legebam  
Rura plage, magno luenum circumdata cætu:*

Eoum qualis Phoenix cum migrat in orbem,  
Pone Auium grex magnus abit; cum protinus omnis  
In partes rapitur varias, & me vagus unam  
Deserit. Agnosco subiti quæ caussa recessus;  
Plurima nam pubes diuerso ex orbe profecta,  
Pulvere sparsa caput, ieiuno pallida vultu,  
Supplex aterni Tumulum Soteris adibat.

Sed mens caca anima, scelerumq; infusa per artus  
Semina, iamq; calens media de puppe libido  
Præstrinxere oculos, nec rem nisi simplice sensu

Tunc bibo. Digressos petulanti plena cachinno  
Prosequor: Innumeras non est amor ire per Arces  
Vrbis Idumæa, non aurea visere Diuum  
Limina, & effracti vestigia peruia Templi,  
Non muros toties obitos, totiesq; renatos,  
Tecta alia, atq; alias vestigo sedula turmas.

Nec labor; aspirant votis Phlegetontia nostris  
Numina, & occurrunt passim, quos labe nefanda  
Polluere, & solito placet eneruare veneno.

Hic etiam quanto temerauimus hospita luxu  
Mænia? quot, quales animorum enertimus aras?  
Hinc (merces speranda reis) pro talibus ausis  
Flos Vatum, Regum Princeps, terrorq; Gigantum  
A Saule infernam qua pellere suetus Erynnin,  
Ad Cytharam palmas iterum retulisset eandem,  
Pelleret ut patria scelus hoc quanto ocyus Vrbe;

### 36 De Vita D. Maria Ægyp.

Ni Pater omnipotens, cuius clementia cunctos  
Didita per populos, crimen quodcumq; superstat,  
Frangisset Regem, melioraq; fata parasset.

Festa dies aderat, solitoq; illustrior undis  
Sol caput extulerat: mihi cum ruere agmine magno  
Visa acies hominum, non densius aëre bruma  
Lapsa cadunt folia, & sedem concedere in unam.

Constantiniadum moles operosa resulget  
Vrbis in amplexu, centenis nixa columnis.  
Huc gens tota fluit feruent vaga compita, pulvis  
Fuscat nube vias, & gressu tardat euntes.

Ire iuuat: prius extantes in vertice cirri  
Mista rosis unguenta bibunt, sparguntur odoro  
Nectare, & effuso tenduntur firmate vestes.

Quaq; superfusum multa caligine vulgus  
Adstremit, ac ritu undarum, cum nubilus Auster  
Insultat pelago, sine more vrgetur, & vrget,  
Irruo. Qua nostro poterat par ire furori  
Eumenis? acta locum gens dat, sed & inter eundum  
Pacem oculis, bellumq; gerens, concludere furtim  
Ardebam teneras Cypræa in vincula mentes.

At aditu prohibet flammæ, animamq; tuetur  
Cura vigil, nostraq; timens captiua subesse  
Imperio, huc propius petulantem impellit, & illuc.  
Ventum erat ad limen. Gelidam porta aurea Calpen  
Spectat, inocciduis Domini circumlita signis,

CRUX

*Crux hinc, Crux illinc, geminis ea symbola valuis  
Præradiant: iam Tempia patent, turbamq; frequentem  
Expectant; stat densa phalanx, & pressa, premensq;  
Angitur, atq; auido semet seruire fatigat.*

*Irrumpit tandem, magnoq; effusa tumultu  
Ilebs natat in templo, pugnatq; gaudia carpit.  
Ut trabe multiplici cum crassa exire vetantur  
Flumina, ventre tument, donec superantibus undis,  
Oppositas vincunt moles, camposq; pererrant.*

*At non immistam populis, aliosq; secutam  
Accipit ampla Domus; quin vix pede lambere limen  
Aggessam tacite vis improuisa coercet,  
Accessumq; negat. Quid tum? viridisne iuuenta  
Robur hebet? crebra comitum num fracta procella,  
Speratis mea Cymba nequit succedere arenis?  
Ergo sacros aditus iterumq;, iterumq; retento,  
Postibus intactis iterumq;, iterumq; repellor.  
Quoq; magis fusæ coeunt in pectora vires,  
Inq; fores accensa feror, violentior inſto;  
Hoc magis excludor. Retro sic ire Magistrum  
Defunctas Nereo conantem trudere classes  
In portus, a fronte minax saepe impulit Euris.  
Quid facerem? cedo in partē, quando intima sanguis  
Sauciat, & mentem nec-opinus concutit horror.*

*Dum vagor adspectu, num quis me forte retrusam  
Eludat, rerum facies occurris viring;*

# 38 De vita D. Mariae Ægypt.

Bina, duplex Paries vasti latera utraq; Templi  
Ambit, quem quondam radiantem mille figuris  
Artificum duxere manus, operumq; sacrorum  
Impressere notas. Animi componere fluctus  
Posse, mihi res visa satis; propiore sinistrum  
Plania adeolatus, & pictura lumine pascor.

Hic Puer Abramides Genitoris iussa cape ssie  
Impiger, & gladium manibus, flammamq; ro galem  
Gestat ouans, & fasce humeros oneratus acerno,  
Festinat celsum montis superare cacumen.  
Præcipit hic senior Natum subsistere, onusq;  
Ponere, qui rudibus confestim Altaria saxi  
Construit, inde struem lignorum imponit, & addit  
Isacon, ambobus vinctum post terga lacertis.  
Extendensq; manum, nulla formidine ferrum  
Stringit, iamq; pia solamen dulce senectæ  
Immolet, & Gnati caros transuerberet artus;  
Ni sacer atheria dilapsus ab Arce Minister  
Arceat, & clausum arboribus pone Arietis albæ  
Ostendat vellus, prima pro cede litandum.

Illic Hebraos, Chananaæ insignia pugna  
Dum referunt, timor inuadit, pars tabe furenti  
Occidit, ignitos pars frustra summonet angues:  
Dux tamen, extremam Populo inclamante salutem,  
Castrorum in medio concretum ex are Cerastem  
Suspendit longo, qui finderet aëra, conto.

Hinc

Hinc iussas acies oculos huc tollere, virus  
Deserit, & fluidis abscedunt ulcera membris.

Parte alia duplices inimica fronte phalanges  
Effulgent, fremitu ha gaudent; grassatur in illas  
Tristi corde Pauor; dubia dum sorte duellum  
Vertitur, & totis spondentur funera campis:  
Namq; Philistaas ausum defendere partes  
Terribilem membris, immanemq; ore Goliam  
Prouocat exigui Pastor gregis, illius arma  
Pastorale pedum, lectiq; in fonte lapilli.

Hac laeuis: Dextro rapior dein pariete; ibiq;  
Eductus puteo truncum iam certus ludas  
Prodere quadrisidum, gemmata in sede sedentem  
Sistitur ante Helenam supplex, tumulumq; propinquus  
Culminis ostentat, Veneris delubra nefanda.  
It subito Paphium pars excisura Colossum,  
Pars fodit affixas rupes, & feruida saxa  
Diffindit nitens, & toto pectore montem  
Dissepit; incuruos alij exercere ligones,  
Egerere & lapides, effractaq; viscera terra.  
Nec mora, scrobs aperit latebras; educitur imo  
Crux triplex fundo. Tunc exarmata catenis  
Brachia protendens, iam non captiuus ludas,  
Aspicit, infremere horrendum Plutona per auras;  
Et rabie stimulante premi; quod signa Tonantis  
Eruta, quod veterum simulacra excisa Deorum.



40 De vita D. Mariæ Ægyp.

Qua vero e Crucibus Regem stellantis Olympi  
 Extulit applicitum, dum quaritur agmina toto:  
 Ecce sepulchrali iuuenis condendus in urna  
 Effertur; pheretro imponunt tria ligna, sed ultima  
 Arboris attactu, frigentia membra reuifcit  
 Spiritus, & nostras admirabundus in oras  
 Surgit: hic insuetis populum feruere choreis,  
 Et pane emota psalteria ludere dextra,  
 Cernere erat; Dominam ante alias, qua vestis honora  
 Reiecto fastu, posito Diademate Regni,  
 Et lunata genu, venerabile Robur adorat.  
 Nec procul hinc Solymi, Romanorumq; caterua  
 Metantur sedem Templo, spacioq; patenti  
 Fundamenta locant: struitur noua machina leui  
 Marmore, conspicuo ducuntur tecta metallo:  
 Et, ne vel multa moles immensa fatiscat  
 Clade, columnares firmant latera ardua dorsi.  
 Inde Crucis vexilla secat Regina, sacraq;  
 Partem infert Aedi, recipit Roma inclyta partem.

Sic ducebam oculos; subitus cum pectora terror  
 Occupat, accessus caussam, pia signa, Crucemq;  
 Insinuans: anima in tacitum penetrale receptus,  
 Elicit arcanos gemitus, animamq; nocentem  
 Arguit. Intrabis culparum arguta nouatrix?  
 Intrabis tandem? nec te scelus, atraq; turbant  
 Crimina, tot, tantisq; hominum ditata ruinis?

Ergo



*Ergo affixa malo, stolidæq; incendia mentis  
Vsq; fouens, sædis venerandam gressibus Aedem  
Attentare paras? te vox saltem illa superni  
Numinis admoneat, qua quondam Monte nitenti  
Spinoso inuolitans Moſen longe arcuit igni,  
Pone pedum soleas, quam calcas, enthea terra eſt.*

*Tantum hæc. Actutum excutitur deſpecta malorū  
Congeries, quodcumq; actis peccamen in annis  
Admiſſum, & priſci occurrunt discrimina morbi.  
Erupere genis lacryma, crimenq; ſolutis  
Faſſa comis, geminas laxauit in verbera palmas,  
Et pectus miſta plangens furibunda querela,  
Qua porta conuexa ſuper, de marmore uiuo  
Concauus Orbis adeſt, ubi ſplendet Virginis alma  
Dulce puerperium, ſuſtollo lumina, & undas  
Corde vomens, tales effundo pectore voces.*

*Alma Parens, quam nec prima contagia labis  
Ante ortus tetigere diem; nec gaudia poſtquam  
Luminis hauſiſti, macularunt crimina tædæ;  
Indulge miſera veniam, qua conſcia culpa,  
Digna Gomorraas dudum bibere ore fauillas;  
Si vultus, Regina, tuos accedo, tuiq;  
Voce vel impura decus implorare fauoris  
Haud vereor. Parce, o ſæcli ſpes fida nocentis;  
Neue oculos auerſa pios mihi deme, proteruis  
Quamuis hiſce oculis ſpecteris; faſq; bonumq;*

42 De Vita D. Mariæ Ægyp.

Id licet exposcat, maculose gentis inani  
 Obsequio tumeant, qui pallent crimine, quiq;  
 Virginea gaudent animam vinxisse corolla,  
 Virgineis pariter cultoribus usq; fruuntur.  
 Si uerax tamen has olim descendit in aures  
 Fama, tui confluxe uteri sub claustra Tonantem,  
 Labentem miseratum Orbem, subyisse labores  
 Insuetos, du'roq; affixum brachia malo  
 Puram animam medijs in fontibus expirasse;  
 Fontibus immeritam pareret qui nempe medellam  
 Morte sua, meritoq; reos arceret Auerno,  
 Da, Virgo, talem Natum qua digna reperta es  
 Ingrato donasse Orbi, da posse referre,  
 Quod peperit mihi morte bonum. Tibi pectoris aram  
 Deuoueo, ritusq; pios imitata regentum,  
 Cum puppim emota certant sorbere procella;  
 Vota ferunt, pictasq; parant post vota tabellas:  
 Emersa e scelerum fluctu, tacitaq; repulsa  
 Libera, marmorea radiabit imagine forme  
 Hac facies, tabulaq; dabit vox ista loquaces.  
 Tu modo ne sanctis exclude a postibus, illud,  
 Illud ego ut Lignum spectem, quo nostra propago  
 Ridet tartareum, iam non captiua, Tyrannum.  
 Da faciles aditus: etenim si plena sui mens  
 Vel minimum se posse putat, non ullius unquam  
 Inquiner attactu sceleris, non crimine post hac  
Polluar

*Polluar: extremo inſcimus iam vincla pudori,  
Et fidam extremi partem promittimus aui.*

*Finieram. Trepidam penetrant caeleſtia mentem  
Robora: continuo Fidei ſuccenſa calore,  
Speq; pia Genitricis ouans, veſtigia raptim  
In vetitum refero limen, ſt antemq; cateruam  
Oppleo: dumq; imo ſub pectore ſpeſq;, metuſq;  
Concuſant, tandem, vi nulla obſtante, frementes  
Transgredior turmas, dubitataque templa ſubintro.*

*Quid mihi tunc animi? quā lato in corde voluptas  
Speratis haſſe locis? ne gaudia conſer  
Illius, ipſa inter quam murmura conuiuarum  
Haud verita eſt Chriſti veſtigia tangere dextra,  
Impuramq; olim ſummittere ad oſcula linguam,  
Quamquam animi tunc pura: ergo introgreſſa crnore  
Vſque rubeſcenti deſixi lumina Ligno:  
Circum ſtant ara centum, funalia centum  
Fixa tolis, Mons abſciſſus, fractiq; molares,  
Ac Domini reſperſa pſs ſudoribus arma.  
Vtq; oculis ſatis indultum, mentemq; capaci  
Luce expleſſe datum, pacem, veniamq; rogantes,  
Mille verecundis affiximus oſcula ſaxis,  
Atq; exorata lente decеſſimus Aula.*

*Tollitur extemplo MARIAE proſpectus in ora,  
Ore autem. Quas ah? grates, aut quale repondam  
Pectoris obſequium, meriti quod pandas abunde  
Pondera?*

44 *De Vita D. Mariæ Ægyp.*

*Pondera? tu vetitas aperis mitissima valuas,  
Et das liderei victricia signa tueri  
Principis, atq; anima sperata pace potiri:  
Quam dedimus dignare animam; tibi colligit auras,  
Dirige tu dubiam, venientia tempora vita  
Instrue, venturis viuat quo dignius annis.*

*Hac ubi dicta: leues subito resoluta per auras  
Vox sonat. Humentes i trans Iordanis arenas;  
Hic tibi tuta quies, & summi terminus aui.*

*Nec plura. Imploransq; iterum per vota benignam  
Parthenicem, gressum ad iussam cito molior undam.  
Nec deest, conspicuo nudatam tegmine, palla  
Simplice contentam, larga qui munere dextra  
Dignetur; gestansq; manu tria liba, Syonem  
Desero, & optati struam prope littora Ponti  
Aedem adeo. Interea Sol occidit, altaq; montes  
Vmbra tenet; saxo ingredior fundata vetusto  
Templa, & ad ignotam procedo Numinis aram.*

*Quam super: Eximium fluuius radiare IOANNEM,  
Rore leui, timide Christi sacra membra rigantem  
Intueor; iuuenumq; choros hinc inde gerentum  
Lintea; demissam caelesti sede Columbam,  
Aeternum magni testantem Pignus Olympi.*

*Sternor humi, teq; ore pio, Ter Maxime Vatum  
Deprecor, assiste operi, meaq; athere ab alto  
Orsa iuues. Sed stellanti Nox ardet in vmbra,*

*Meq;*

*Meq; sopor placidis fessam complectitur alis.*

*Iam reserata dies, somnumq; a mente fugaram.*

*Illic multiplicis consueta piacula noxa*

*Concipio, lymphisq; manus, atq; ora refundens,*

*Attactu quas ipse suo sacrauit Iesus,*

*Antiquam celeberrima Patrum de more Synaxim.*

*Mox flumen, salebrasq; loci transueta; maligna*

*Qua sola, & humana trepidant saxa aspera planta,*

*Deferor, & cecæ fugiens discordia turba*

*Agmina, inaccessi formidine perfruo orbis.*

*Atq; hic orta Pharo, factio iam sine, quiescet:*

*Ni pater: Imo agetum, ne, quæ tibi cumq; supersunt*

*Nube tegas; dulce emensum memorare laborum*

*Pondus, & exacti seriem percurrere fili.*

*Illam autem: Innumeras, lingua, exordire querelas;*

*Lingua, meos casus, & quot prope condita portu,*

*Pertulerim fluctus, feralibus incipe dictis.*

*Phæbe, quaterdecies stellantia templa rotasti*

*Septenos supra cursus; ex quo Vrbe relicta*

*Davidis, hos colimus, nullo infestante, recessus,*

*Nullo, inquam, infestante hominum; quando omnis ab*

*Exorta in me tempestas, hoc fonte dolorum (Orco*

*Triste fluens numerus. Ter senos tortæ per annos*

*Plus minus, his memini: quantum vicisse pericli*

*Auspice Christipara, quales superasse recordor*

*Dæmonis assultus; hinc accipe. Sapius agrum*

*Pectus*

46 De vita D. Mariæ Ægyp.

*Pectus, & exhaustum lacrymis stringebat edendū  
Acer amor: tostas Cereris cum dentibus escas  
Attererem, subito laxi ludibria ventris  
Surgebant animo, quod terra, quod educat aër;  
Quod Nilus, quoscumq; Deos Aegyptus honorat;  
Adde merum Meroes, Mareotidis adde falernum,  
Caci luxuriem Bacchi, preciosaq; mundi  
Fercula, quīs olim lasciua licentius atas  
Diffluxit; qua quando loci prohibebat egestas;  
Pallebam, maciemq; anima interiore coquebam:*

*Sape leues Cytharas, spirantia carmina, amantium  
Iurgia, molitas fraudes, resolutaq; in ignem  
Viscera, & effusas in mollia gaudia noctes  
Insinuans, mastram iam non repetenda Libido  
Torquebat lente, vitæq; in dura trahebat  
Tadia. Quid passas nocturna per otia pugnas;  
Iniectosq; metus referam? me tardus Hiberno  
Deferat ante dies, quam monstra in lurida versos  
Enumerem Lemures, quam spectra minantia cadem,  
Infiictas Erebi pœnas, promissaq; demum  
Funera, Eremicola quæ nusquam hausere priores.  
Me tamen, & vulsi penitus solatia morbi,  
Verberibusq; admista p̃ijs lamenta tegebant,  
Et quæ, deuotos VIRGO haud frustrata precatus,  
Munifico spargit languentia pectora nimbo.*

*Hinc clades inter, vibrataq; tela profundis  
Fratribus.*

*Fratribus, Angelicis incincta cohortibus, altis  
Visa exisse Polis, & me Mundi ima tenentem,  
Despectamq; ultro sanctis animasse loquelis.*

*Fide animo, victrix tandem ditabere Auerni  
Exsuuijs, meritasq; dabunt tibi Tartara palmas.  
Perfer, & obdura: caelestis semita in arctum  
Tendit, & angustus patitur vim limes Olympi.*

*His ego dum versor vicibus, transmissaq; vita  
Tempora purgata cordis statione retracto,  
Curarum extremas rediens Sol attulit horas.  
Ex illo, hinc alio tristes abiere tenebra,  
Nec defacatum violasse hunc aëra fœda  
Ditigenum potuere manus; vidi ipsa rebelles  
Irrita conari, vidi ipsa immanibus Hidris  
Ardere, ac tremulis ire incandescere flammis,  
Vidi etiam admoto procul ablegata flagello  
Bella, odia, & Stygi nigrantia fulmina regni,  
Et castos Superum post hic habitasse maniplos:*

*Qui sceleris puram, functamq; laboribus Orci,  
Sæpe sacras secum duxere per aetheris oras,  
Et patrij dederunt commercia noscere Cali.  
O memores longum lucas, albisq; notandas  
Velleribus, quibus Astryferas super edita moles,  
Aspexi, Chaldaa olim prope flumina quidquid  
Captiuus cecinit perplexo carmine Vates;  
Quidquid &, Aegao premitur qua proxima Nereus  
Panthmos*



48 *De vita D. Maria Ægyp.*

*Pathmos, inexplicitus fertur cecinisse Ioannes.  
Sed summo laus summa Patri, qui saepe potentes  
Dignatur solio, interea non despiciit Orbis  
Quisquilias: quo more suos Sol arduus ignes  
Aque pauperibus donat, locupletibus aque.*

*Desierat iam plura loqui. Tamen unde tot annis  
Excepit Senior, frugum tibi copia? & unde  
Vel leue nudatos tegmen contexuit artus?  
Illud idem, illa refert, quo liquimus alta Syonis  
Mania, & irriguas Iordanis obuiimus undas,  
Temporis enectum vitio, nimiaq; senecta  
Deciduum, tennes abijt velamen in auras.  
Crebrius hinc tactum glaciale frigore corpus,  
Grandineq; & crudo pluuiarum algore petatum,  
Et Canis Icarij torrentia spicula passum,  
Heu, quot sustinuit, quam magna incommoda? quot se  
Induit in facies? posses modo dicere anhel  
Effigiem scopuli, refluxo cum tunditur aestu  
Aequoris, hyblæ similem modo dicere cera,  
Qua perit, ardenti cum ponitur obuia Soli.  
At mihi quas escas dederat pia dextera, diurno,  
Nocturnoq; gelu, poterant qua attraxe perennem  
Duritiem, denos septem per Veris honores  
Vixere, inde herbis, qua campis hisce virescunt,  
Vescebar: sed enim veteres lapsusq; nescisq;  
Corde reuoluenti, lacrymisq; piare volenti*

*Non*



Non vlla cordi clamydes, non vlla superba  
Gaudia erāt mense, sed quo calet omne, quod vsquā est,  
Desuper infusum velabat pectora VERBUM,  
Fecundoq; animam satiabat neēt̄aris imbre.  
Quis dubitet? nōstri vera haec sententia Regis,  
Haud tostae tantum spirant munimine frugis  
Mortales, certum robur, vitamq; ministrat  
Sermo Dei, dulcesq; epulas imitatur Olympi,  
Qua Isrāēligenas olim pauere cohortes.

Hactenus annorum seriem memorasse meorum  
Sit satis, & fissa tenuis si gratia linguae  
Debetur, summo pro me pla vota Parenti  
Offer, Auernali meritam ne destinet igni.

Finis erat sandi: porrecta fronte Sacerdos  
Obstupet infusos roris, concessaq; ab alto  
Munera, tum passis suspectans aethera palmis,  
Aeternas, inquit, grates, placidissime Regum  
Reddo, Christe tibi, qui quos largitus honores  
Huic, quae in Calicolum se conspirasse fatetur  
Dedecus, educis tenebris, atq; asseris Orbi,  
Me praesente, tuis quo scilicet alter in aris  
Patri pacificas non segnior obtulit escas.

At te, sic subdit Mulier, per numina Cali  
Obtestor, per si quis dictis fors penes istam  
Caniciem mihi restat honos; ne, deprecor, uni  
Dicta tibi, cures hominum demittere in aures,

D Donec

50 *De Vita D. Maria Ægypt.*

*Donec se humanis latebris, & compede vincta  
Eximat, & patrios repetat mens libera campos.*

*I felix, Ariesq; nouis ubi cornibus annum  
Extulerit, mensesq; nouo Phaëtonte redibunt;  
Huc adsis, mistoq; iterum sermone fruemur.*

*Ante peto, simul accineres, & nota recurrent  
Tempora, quae magni renouant ieiunia Christi,  
Ne superes Iordanis aquas: verum ipsa facultas  
Longe aberit, licet ipse velis; sed vespere sero  
Flos Patris aetherij cum passus adorea liba  
Vertier in se se, conclusum pyxide corpus  
Adfer, ut optatae celebrem conuiuia cenae.*

*Namq; per hoc aevi, vastis quo viximus agris,  
Sinceram Domini nequicquam optauimus escam.  
Vltra Iordanis ripas absiste moueri,  
Ipsa adero. Iam vade alacer, votumq; volentis  
Corde exire veta, sic in te certa bonorum  
Dona fluant, sperentq; suum te sidera ciuem.*

*Tantum effata, atq; in verbo vestigia torquens,  
In diuersa abijt: demissus in ora recumbit  
Zosimus, & pressae lambit sola feruida terrae;  
Protinus abscedit, sanctamq; remensus Eremum,  
Se laetum socijs comitem redeuntibus addit:  
Quos demum reduces sperata in tecta receptos,  
Sacra salutiferae recreant sollemnia mensae;*

*Libri Secundi Finis.*

IO: BAPTISTAE  
LAVRI PERVSINI  
CLERICI SEMINARI

*De Vita*

*D. MARIAE AEGYPTIACAE.*  
LIBER TERTIVS.



INTEREA solitas versatilis expedit  
anni

Menstrua Luna moras, orditur &  
ipse labores

Thæbus ab axe novos, quo florea  
nascitur Orbi

*Temperies, verniq; palam reserantur honores.*

*Annus ordo reedit, redeunt cum Sole reuerso,*

*Christiadum de more, dies, quos ore sereno,*

*Pulueris iniecti auspicio, pulcherrima rerum*

*Sobrietas avidis ridens complectitur vlnis,*

*Sobrietas, qua criminibus se se expiat atris*

*Turbida vis animae, qua luxu effusa domantur*

*Viscera, qua celebri splendent Ieiunia cultu.*

52 De Vita D. Maria Ægyp.

Ecce tenebrosis Erebi festinat ab antris

Dira lues, nigro FEBRIS circumdata amictu,

Luce oculos perfusa graui, feruore maligno

Funereum succensa caput, stat frigida circum

Caesaries, late glacialibus obsita nimbis.

Dextram frigus iners, lauam grauat ignea cuspis,

Luctificosq; Metus, Lethumq; immane, seueras

Dat Pluton comites. Illam iubet ire silentes

Inter Claustricolas, & te peruadere furtim,

Sancte Senex, qui lethali formidine torpens,

Deserta morerere domo, tecumq; sepulcro

Inferres Phariae monumenta Viraginis. Ergo

Æra per medium liuentibus incita pennis,

Fertur, & infensam luci, noctisque tenebris

Gaudentem simulat Volucrem, celeriq; volatu

Limina iussa petit: cunctos in tempore Patres

Aspicit, ut mos est, abitum de Sede parantes.

Insedit foribus, gressus obseruat euntum,

Zosinon opperiens. Ut cui mens laeua, furensq;

Subdit Mars stimulos, vnum ut de millibus ense

Occupet, & crudas exerceat improbus iras.

Iamq; alios, rursumq; alios Fera saeua notarat.

Egreditur tandem, mora nulla, niualibus armis

Imbellem aggreditur, flammisq; sequacibus urget.

Olli continuo per opertos diditur artus

Arida succiduo glacies admista tremori,

Ac sese argentes paullatim torridus ignis  
 Ingerit in venas: populatrix flamma repente  
 Proditur indicijs, geminatur anhelitus oris,  
 Ore auras captat, fesso rubor errat in ore.  
 Ergo refert lento vestigia languida motu,  
 Insternitq; humili languentia membra grabato.  
 Hoc erat, exclamans, mihi quod praesagyt ingens  
 Femina. Iam Pestes Monstrum exitiale secutas  
 Excierat, suprema hominem quo perderet aura.  
 Inde tamen, Senij cui credita cura tuendi,  
 Summonit Genius, Febrim consistere passus

Ad paucos Soles. Denos nondum axe recursus  
 Sol quater explerat; dulce in penetrabile receptos  
 Viderat ille Patres; Mensis lux nona Cypraci  
 Institerat, Seniorq; lue persunctus edaci,  
 Frigida cum summae langueret portio noctis,  
 Praeuia venturae lucis, sic ore profatur:

Nascere, quae toto tarde mihi redderis anno,  
 Nascere fausta dies, quam per spatia ampla morantē,  
 Tardare ueruentis dum flectitur orbita Solis,  
 Expecto, quae sola venis paritura petitos  
 Congressus: effunde iubar; te namq; reuersa,  
 Christi Epulum paschale redit, votumq; roganti  
 Redditur. Aurato sed Lucifer exit ab ortu.  
 Tum stata sacra ferunt, stratos ex ordine Patres  
 Frugibus intactis, roseoq; cruore Sacerdos

54 De vita D. Mariæ Ægyp.

*Refficit, assuetos mox latior inchoat hymnos.*

*Pæne Poli media Titan plus parte tenebat:*

*Quod simul aduertit, iussas petere ardet arenas  
Ocyus; hinc Vrnæ, qua mystica liba recondat;  
Accipit, & calathum tenui de vimine textum.*

*Intus Palmarum fætus, rugosa locatur*

*Carica, & egelidis perfusa legumina guttis.*

*It propere, & tardus comitatur Vesper ad undas.*

*Substitit in ripis, & per Iordanin amænum  
Intuitus spargit crebros, per flumina si quam  
Forte ratem videat, qua gaudia nota reportet.*

*Cedebat nocti casurus in aquor Apollo,  
Ex alijs nostrum rediturus in athera regnis,  
Noxq; pruinosis crinem redimita tenebris,  
Nigrantes vrgebat equos. Ille aquora longo  
Prospectu Solymæa legens, trabe nec tamen vlla  
Cognita adhuc, animi hac pendens. Mulierne priores  
Intulit huc plantas, dum nil dispendia voluens,  
Segne iter ingredior? sed enim nec stupea nauim  
Vincla ligant, totaq; vacant retinacula ripa.  
Forsan ab aduerso dum respicit aggere inane  
Littus, & insecsum nulli, rata fluxe per auras  
Imperia, in solitos voto fraudata recessus  
Tristis abit? sed nec longo processit Olympo;  
Cumq; choro Astrorum Nox Cali limine in ipso est;  
Et nunc tempus adest, nostram quo migret in actam.*

*Fors*

*Fors nullos molitur adhuc ad littora gressus,  
 Esto; via mentem calor excitet, unde biremis,  
 Qua flumen sulcare queat? sine puppe fluentum  
 Intret, & instabilem non horreat ire per undam?  
 Heu me infelicem? quis me spe deijcit? ecquis  
 Extrahit in luctus, nec parto reddit honori?  
 Tu, Deus, exigua passus qui claudier vna  
 Hanc propter, misera ne despice vota senecta.*

*Dumq; iterat Senior lacrymis ea carmina, tandē  
 Emicat oppositam Soboles Aegyptia in oram.  
 Exiluit, tantusq; obijt praeordia dulcor:  
 Irrepit quantus quondam per Moscos agmen,  
 Splenduit obscura lucens cum nocte Columna,  
 Inq; die Angelico nituerunt nubila ductu.*

*Qua tamen arte fretum superet, dum pectore versat,  
 Stat dubius, mistoq; metu sua gaudia librat.*

*Ille ubi protenso gaudens super astitit amnis  
 Margine, saluifico signans vada peruia signo,  
 Mobilibus se credit aquis, secuta per vadam  
 Vadit iter, famulus passim subternitur humor,  
 Nec tenui gressus aspergine tinguit euntis.*

*Salve, prisca Fides Patrum, Christi aurea salve  
 Compes, amoris opus, rerum gratisima merces.  
 Hac pede vel sicco, duce te, transnavit, in aethram  
 Olim flammigero vectus qui dicitur axe;  
 Hac sancti, Duce te, Isacicum gens fœderis Arcam*



56. De vita D. Mariæ Ægypt.

Intulit, ingrati pepulit contagia morbi  
Septena Namaan lotus vice gurgite in isto,  
Imperijs veneranda tuis rota Solis hebescit,  
Ac relegit conuersa uias, imponis habenas  
Fluminibus, transfers aliena in culmina montes.

At vero intactis sulcantem flumina plantis  
Littora mirantur circum, mirantur & unda.  
Astupet ipsa soror Phœbi, noctemq; verendam  
Irradiat maiore coma, non cornua pura  
Fronte gerit, pleno orbe tumet, radiosq; comarum  
Explicat, excelsum Cali dimensa cacumen.  
Ipse etiam vitreis hilaris Iordanis ab antris  
Extulit auratam faciem, lumenq; rotauit  
Dulcius, ac Diuæ pedibus gradientis obundans,  
Sape verecundo vestigia lambere fluctu  
Appetijt, passimq; suos testatus honores,  
Elicuit placidis festiuum murmur ab undis.  
Quid quod & intrata Senior procumbat in alga,  
Oblitus se ferre Deum? ni sancta Virago  
Admoneat, quæ forte vadis librata supremis,  
Cursus ad ripæ tumultum propioris agebat.  
Appellit, glaucaq; tremens exponitur vluæ;  
Accuruat tum genua solo, vitreoq; latentem  
Carcere latanti sic voce affatur Iesum.

Tun' igitur, cui iure pari concedit ab auro  
Orbem regnandum Genitor, cui machina Cali

Tota patet, breuiorq; tamen, quam qua potis amplo  
Te Dominum gestare sinu, tu qualis Olympo,  
Et quantus, frugum sub nube reconditus arcta  
Hic ades? indignam dignaris munere tanto?  
Disjce iam, quidquid tenebrarum pectore nostro  
Clauditur, & larga radiorum mole refusum,  
Multicolore pias imiletur luce Columbas.  
O utinam viros anima domus induat ignes,  
Inq; tuas abeat flammæ: ut vertitur ignis  
In faciem, viresq; nouat, quodcumq; calenti  
Turbinè corripitur: Tu Christe, per Azymon almi  
Corporis, oro, tuam me, si haud indebita posco,  
Transfer in effigem, puroq; hinc asserere Calo.  
Vt te, multiplici post tempora lapsa rotatu,  
Optatum toties, flagranti lumine tandem  
Aspicio, totoq; libens te corde recepto!

Tum trepidante manu vitalia liba Sacerdos  
Obtulit, ambrosioq; animam satiauit inhaustu:  
Excurrit, mediosq; fluens medicamen in artus,  
Circumsusam animam diuina in viscera mentis  
Interiora vocat: stat terra immobile corpus,  
Aetheria veluti defunctum luminis aura.

Qualiter imbriferi degens in vertice montis,  
Prætrepidat, nimiusq; ligat dum pectora terror,  
Deficit exanimis, nec iam amplius athera carpit,  
Hunc penes eliso si decidas aëre fulmen.

Vtq;

58 De Vita D. Mariæ Ægypt.

Vtq; diu insolita melior dulcedine sensus  
 Delicuit, ceu torpenti sibi reddita somno:  
 Nunc, ait, o Superum Princeps, nunc, deprecor, Orbis  
 Eripe me vinclis, famulam dignare perenni  
 Libertate Poli, discussis vidimus umbris,  
 Quem sæcli Dominum, largitoremq; bonorum  
 Ante renascentis dederas cunabula Mundi.  
 Mox affata senem. Parce, o Pater optime, parce,  
 Hoc quoq; venturum mens est si poscere in annum.  
 Hinc abeas, & Sole nouo, cum liqueris Aedem,  
 Antiquas molire vias, quo limite primum  
 Sedimus, in primas ubi soluimus ora loquelas:  
 Nempe tibi nostri maior tunc copia, tecum  
 Non vacat hic seras producere longius horas.

Subdit ad hac. Utinam lateri, Cælo auspice, detur  
 Vsq; harere tuo, cordi preciosa voluptas  
 Afflueret, dulces caderent in gaudia luctus:  
 I tamen, & nostri, quacumq; ea, dona canistrî  
 Tolle prius, modico te nunc solare paratu.

Illa Paretonium non aspernata legumen,  
 Exilem comedit lentem, dein cætera lenis  
 Respuit, illapsam, memorans, diuinitus auram  
 Posse implere hominem duplicis munimine vitæ.  
 Illicet insiluit flumen, præcinctaq; flammis  
 Rursum oras sancti tenuit suspensa fluenti:  
 Prosequitur visu Senior, listusq; serenis

Fletibus

Fletibus irrorat, queritur menseſq; rotandos,  
Aeſtivasq; moras, non iam ceſſiſſe labores  
Hibernos, Calumq; novo non ire meatu.

Lux oculos ſed laſſat iners: per nota viarum  
Regreditur, reduceſq; anni ſuſpirat habenas.

Nondum raptus honor ſtellis, tellure ſub ima  
Nox nondum ſeſe occulerat, velocior Euro,  
Exiguus ſpatijs, biſdenas quâ via lucēs  
Poſtulat, & longo protenſitur ardua tractu,  
Ultimus exacti ſic urget terminus aui,  
Se MARIA aſſuetis reddit gauiſa latebris.

Empyreas ſupra Turres, culmenq; ſupernum  
Aetheris, auſta ſiat maiestate verendus  
Aſtrorum Genitor: ſolio ſubduntur eburno,  
Innumeros inter cuneos, famulasq; cohortes,  
Tempus, in aternos numerum quod diuidit orbes,  
Et Natura parens: cruda huic, viridiſq; ſeneſtus,  
Perpetuusq; decor, magno indeſeſſa labore  
Inuigilat Mundi curis, rerumq; ſequeſtra  
Fœdere concordī pugnanti ſemina iungit.  
Cura prior, grauida ſecunda Matris in aluo  
Iunxerunt elementorum ſeriem, quibus ille recuſus  
Certandi genius, qui cuiq; ab origine Mundi  
Inditus: hinc ſiccis ubi non humentia pugnant,  
Frigida non calidis, vno componit acerno,  
Atq; rudem maſſam diuerſo ſidere Cali

Expolit,

## 60 De Vita D. Mariae Aegypt.

Expolit, ac dignum decus imprimit: utq; Tonantis  
 Fingat in effigiem, cum iam statura tempora Olympus  
 Attulit, ante Deum sistit, qui informia pulchram  
 Spires in ora animam, ducendaq; tempora decat.  
 Scribit dicta Senex; hinc certum Pignus in auras  
 Mittitur, edicti spatium quod finiat aui:  
 Quodq; recidenda cum fila breuissima vita  
 Vertuntur, vel lethali Mors atra veneno  
 Orbe rapit, vel bellorum caligo cruentat,  
 Obruit aut blandi pellacia subdola Ponti,  
 Adde frequens Morborum agmen. Postrema ruebant  
 Tempora, Niliacum poscunt fata incita Germen,  
 Afflatamq; animam mitis Natura reposcit.

Ergo non maciem, turpi aut undantia tabo  
 Ulcera, non febres instillat in ossa furentes:  
 Supremum iubet ire Gelu, placidaq; per artus  
 Influat, & molli faciat decumbere somno.  
 Iussu Frigus adest; metaq; ubi mortis adeste  
 Sensit, fusa solo, purumq; sub aethera tollens (quat,  
 Lumina. Numquid, ait, maturior hora propin-  
 Alme Deus, qua me tandem compaginis huius  
 Liberet hospitio, per venas lenes fluens Mors?  
 Promissas porro ad sedes mens aduena, carnis  
 Vsa satis laribus, tam pleno pectore anhelat;  
 Quam cui Iudaas votum contendere ad Arces,  
 Perq; Vrbes Pharias iter haurit, forte Canopi  
 Delicijs

Delinquit longum interea difflexerit ille,  
 Si tamen excutiat mentem Pietatis imago,  
 Ingemit, atq; loci sortem execratus acerbam,  
 Parthorum iaculis contortoq; ocyor igne,  
 Dignatur, votaſq; volans feſtinat in oras.  
 At tu, cum nexus anima præſtrinxeris imos  
 Triste Gelu, & propior tremulos mors preſſerit orbes,  
 Menſq; abiuncta luto, nativas exeret artes,  
 Diuinamq; aciem, da, ne quid flebile, ne quid  
 Cernat atrox, neu nigra aliquem de ſtirpe profundi  
 Damonis, æternos tripidam qui raptet ad ignes.  
 Sunt tria regna tibi, meritis qua digna rependunt,  
 In totidem diſcreta globos: haud regna petuntur  
 Summa mihi, degant illic, qui labe recifa  
 Corporis, ingrati fleuere piacula Mundi,  
 Perpetuum caſta complexi mente ſerenum.  
 Sat, ſi in me tatro nigrantis ab agmine turma  
 Nulla ruat facies: intrem regna infera, non qua  
 Torquet inocciduo pœnarum examine toruus  
 Reſtor, & æternum ſquallentibus aſperat umbris:  
 Sed qua ardent pœnis, qua olim decreſcere norint,  
 Caligant umbris, qua olim vanefcere norint.  
 Tuq; adeo, timida pridem tutela carina,  
 Diua Potens, primis quando mihi lenis in annis,  
 Sis, rogo, nunc eadem; nec me iam morte ſub agra  
 Verſantem, atq; oculos inſtanti nube grauata  
Deſere:

62 De vita D. Mariæ Ægyp.

Desere: tu nantem verax Cynosura petito  
Redde Polo, ac sedes (si fas) concede paternas.  
Dixit: & appressa, qua se fors obtulit, hasta  
Cuspide, deserta scripsit breue Carmen arena.

CONDE solo MARIAM, terrā super inŷce terra,  
Zosime, pallenti me Mors excludit ab orbe,  
Nocte sub extrema, sacra post gaudia cena.

Protinus in speciem moribunda sternitur, ac se  
Poluerea componit humo; sic membra locarat,  
Effusus lecto iam iam moriturus Iacob,  
Et vultu Eoum spectat latus. Vltima lethi  
Meta propinquabat: confestim fulgor ab alio  
Desluus incingit corpus recline iacentis,  
Lumineq; e medio Nubes emergere visa  
Par niueis Cynis, sulcoq; simillima lacteo  
Hoc super incumbit, clausosq; recludit honores.

Intus femineis Cali Regina cat eruis  
(Nempe suæ audierat vicinum suus alumna)  
Cingitur; ipsa suo circum se Sole coronat,  
Astraligant duodena comas, prosternitur ultro  
Ante pedes, longe radios accincta minores  
Titanis; dextra Sanctissima Magdallene  
Triste exosa peplum, promisso crine superbit.  
Proxima terrenos Pelage indignata triumphos  
Effulget, Solymis olim qua veste sub antris  
Delituit mentita virum. Stat parte sinistra



*Suaue rubens Marie clypeati Neptis Abrhami;  
Et roscomadidum siccatur velamine vultum.  
Iuxta habitu Thais pulcherrima, luce coruscat  
Candenti, vietaq; refert de Cypride palmam.  
Mille alia comitum facies circumq; supraq;  
Funduntur, radijsq; caput morientis inumbrant:  
Dumq; fauent oculis, his Virgo vocibus usa est.*

*En hiemem post edomitam, secundaq; nimbis  
Tempora, florenti latatur sidere Mundus:  
Te quoq; post obitas clades, Orbisq; nocentis  
Exilia, & stygij depressa insignia Monstri,  
Felix extrema complectitur exitus hora,  
Exitus, optatas aditum qui pandat ad oras.  
Gaude animo, parte prae grandia faenora messis  
Te Poli in Arce manent, tibi nulla ambage viarum  
Huc accesse datur, quamuis se ostendet aperto  
Nigra cohors Calo, quamuis qua parte feramur,  
Inuertat totos Serpentum Tartarus imbres:  
Tende libens animum, melioraq; regna capeffe.*

*Sic ait. Ast illi dudum praecordia frigus  
Ambierat, tunc maiori se mole refundens,  
Expulit exultantem animam de pectoris Arce.  
Protinus exceptam socio dignantur honore  
Caestes Nympha, plausuq; ardente canoras  
Exercent plectro citharas, cantuq; celebrant.  
Haud secus eximitur dira dum sede Leonum*

*Fatidicus*

64 De vita D. Maria Ægyp.

Fatidicus Daniel, & prima redditur aula,  
 Florentem nulla temeratus labe iuventam,  
 Applaudunt Cives, magnis & honoribus auctum  
 Suspiciunt, obitis obliuia luctibus addunt,  
 Fortunamq; leuem regali pignore firmant.  
 Sic & ab euicto remeans Colliade Pastor,  
 Attonitam Regis stipatus milite in Urbem  
 Vadit, cum cithara versantes pollice neruos;  
 Et passim pharijs celebrantes orgia sistris,  
 Virgineae prædulce canunt per compita turbae.  
 At, ne persunctum glaciali vulnere corpus  
 In putrem vertatur humum, purissima stillant  
 Nectara, māsuri Superum libata fluentis,  
 Inde colorata redeunt trans athera nube,  
 Et repetunt Cali suprema decemplicis arua.  
 Assurgit flexo Titan redeuntibus ore,  
 Qui tunc eripiens flammæ propioribus Astris,  
 Splendidior tremulas radios frangebat in undas,  
 Purpureumq; diem curru meliore vehēbat.  
 Quicq; comas dum late aperit, largiq; serenat  
 Igne Polum, infusa conspectum luce cadauer  
 Irrubuit, clarisq; diem non inuidet Astris.

Tertius assuetum bigas reuocabat in orbem  
 Cynthius, angustas protendens longius horas:  
 Audatumq; gelu, reduciq; ab Sole tepentem  
 Aethera, iam triplici spargebat Flora sereno:

Visag.

Visaq; millenos annorum euasse rotatus;  
Lux indicta aderat: dulci fremuere tumultu  
Corda Senis, desiderio qui lucis amata  
Pene extabuerat: parat ad MARIAM ergo remensa  
Ire via; Solymas actutum transmeat undas,  
Perq; Nemus taciturn, desertaq; cognita terra  
Incomitatus abit, solersq; hac voluit, & illac  
Sollicitos oculos, num passim certa cupiti  
Emergant monimenta loci, quo grande quiescat  
Pignus: sic visu saltus rimatur acuto  
Venatrix acies, vestigia si qua latentum  
Deprendat Leporum: mærens procedit, & usquam  
Nil, quod spectet, adest: questus hic altus amaror  
Elicit interius. Men, o iustissime Diuum,  
Mitibus alloquijs, sanctisq; a vultibus arces?  
Magnum equidem, rarumq; viris, posse ora tueri  
Numinis, humana cuius simulatio in umbra est,  
Et cui Terra patens ut seruiat, haud ego tanti  
Esse putem: tamen huic duplici si affamine per te  
Congressus, si miranda mihi linea vita  
Innotuit, leges redeundi edixit; opertum  
Redde decus, neue, o, tantum perijisse viarum,  
Votaq; fusa velis. Pergit, campiq; per oras  
Progrediens, humectat iter: nec longa moratur,  
Signa loci apparent. Sterilis terga arida Torrens  
Explicat, undanti flammaram cinctus honore.

E Accedite

66 De Vita D. Mariæ Ægyp.

Accedit propius, nigra tellure iacentem  
Aspēctat MARIAM, ductis ad pēctora palmis.  
Nullum fronte decus, spiramina nulla latentes  
Concipit in venas, sparsum riget undiq; frigus!

Diriguit visu, tacitamq; recessit in arcem,  
Diuisus per membra calor, corpusq; reliquit  
Segnius, & pallentes prætulit in cute Buxos.  
Idem utriq; color, frigusq;, eademq; per artus  
Segnities; viuo credas cum Patre cadauer,  
Et cum frigenti certare cadauere Patrem.

Tandem animi redeunt, leuiorq; ubi corde resedit  
Horror, in immensum resolutus protinus imbrem,  
Corpus obit, forma fruitur miserandus inani,  
Expleriq; nequit; iunctis modo frigida palmis  
Oscula, nudatis modo diuidit oscula plantis.  
Vtq; diu hospitium felix immobilis ore.  
Ambijt, has pallens exclusit deniq; voces.

Hosne ergo affatus, atq; hac libanda reseruas  
Gaudia, præsentī mihi dum promitteris anno,  
Pacatosq; animos, hæsurag; verba relinquis?  
Scilicet, o fallax rerum tenor! ut tua spectem  
Funera, & exequias, extremaq; munera soluam.  
Me miserum! culpæne moras Caliq;, meiq;,  
Erroresne meos, admissaq;, crimina? saltem,  
Si certum fixumq; Polis, ut lumina vita  
Desereres, præsissem oculos morientis, & auras,  
Extremas

*Extremas auras abeuntis ab ore bibissem ;  
 Saltem , si immotum fatis , ut in aethera quantem  
 Efflares sine teste animam , vel nomine solo  
 Clareres , dubium ne te vulgaret in Orbem  
 Fama anceps . O primorum transcendere metas  
 Digna Patrum , ni praeproperus te ad limen Olympi  
 Sollicitasset amor . Tu Cali Sidus , Eoa  
 Praesidium tu grande plaga : felicia semper  
 O sola , qua longis ea Femina presserit annis , (ram  
 Quam quondam undantem lacrymis , terrisq; datu-  
 Virgineam sobolem , trux ore obsederat Anguis ,  
 Anguis Virgineam sobolem missurus in aluum ,  
 Vertice septeno cui cornua dena rubebant .  
 Elusus tamen iste ; Polo transmiserat ortam  
 Progeniem Mulier , binis qua postmodo in alis  
 Fulset , & in vastam fugiens concessit Eremum .  
 Tu geminas accincta alas , tu frigida seruans  
 Arua diu , Angelicis iunxti commercia turmis ,  
 Sapius in summi gremium delata Parentis :  
 Et quamquam superi diuina ad pondera vultus  
 Suspicienda , hebetem nondum caeleste rigasset  
 Mentem , caelestis quod gignit Gloria , lumen ;  
 Tu nec adhuc tanto dignam te munere ducens ,  
 Fledebas oculos animæ , sparsosq; per Orbem  
 Orabas veniam sceleri , sanctumq; refundens  
 Diluuium , proprij delebas crimina mundi .*

# 68 De vita D. Maria Ægyp.

*Felix sorte tua, cuius iuga desuper alta  
 Armenia, scopulis exempta minantibus Arca,  
 Sedit, & emissam cernens de nubibus Irin,  
 Obscenum sacris gaudet lotum imbribus orbem.  
 Sed quid ego hac tandem? cum nota, ignotaq; raptim  
 Hinc abeas, superetq; tui vix fama superstes?  
 Ah dolor! an nomen nobis meminisse relictum?  
 Quando autem agrescunt gemitus, crebroq; fatiscunt  
 Rore gena, vocumq; calor mihi torpet in ore:  
 Siue ad Calicolum tractus, vacuasq; cathedras  
 Carpis iter, seu promissa iam sede quiescens,  
 Vesceris aternis dapibus, plenaq; tueris  
 Fronte Deum, liquidis in quo ceu fontis in undis,  
 Aut leui in speculo, Mundo tibi noscere promptum  
 Quae sint, quae fuerint, & quae ventura trahantur,  
 Aspice res Orbis, rerum qui sceptrata fatigant,  
 Aspice nutantes Dominos, quo firma per aenum  
 Religio, fœdas non contrahat oblita labes.  
 Me me etiam, tua quem lacrymis ad busta profusum,  
 Complexumq; pedes, supremaq; iusta parantem  
 Luctus habet, mitis caelestibus aspice regnis.*

*Hac ait. In lauam tristis dein lumina flectens,  
 Impressas tellure notas, nomenq;, obitumq;  
 Perlegit, extemplo saui vis mœsta doloris  
 Lenitur, paullumq; abeunt mala nubila vultu.  
 Vt circumfusum nebulis, pluuiaq; grauatum*

*Aera*

*Aëra, ridenti Thaumantias ore serenat.*

*Tum parat inferias, & longo murmure carmen  
Exequiale canit. Vix dum complerat, & instat  
Cura recens, quo te condat, decoretq; sepulcro,  
Aegypti sublime decus, se & viribus aui  
Exhaustum, inuálidos sola non admittere sulcos.  
Qua tamen arte potest, truncati fragmine ligni,  
Impiger urget humum; sed prima in viscera crudū  
Aequor, hiat tantum, summaq; crepidine vulnus  
Accipit, insudat pressans: at longius ictus  
Haud processe videns, abiecit spem, condere fossa  
Posse pigrum corpus: crebra hinc suspiria, secum  
Multa rogat Superos; dextra cum parte Leonem,  
Deiectumq; iubas, & nil crudele minantem,  
Prociduumq; genu, magna ad vestigia Matris  
Astare, ac blanda gressus allambere lingua,  
Respicit. Intremuit pallens, desuetaq; diras  
Arua feras alere expauit: sed mite Leonis  
Ingenium spectans hominem, dulce annuit, ac se,  
Dum canda alludit, blandeq; ante ora coniscat,  
Comiter imperijs offert: Rex magne ferarum,  
Tum Senior, Diuis quando huc te afflantibus infers,  
Meq; viae pondus, saeculisq; effaeta senectus  
Fossoris nullos patiuntur ferre labores,  
Corpus ut hoc terra mandem: tu cui noua seruent  
Pectora, & immani florent in corpore vires,*  
Exple



70 De Vita D. Maria Ægyp.

Exple opus officij, gl'bas pede frange iacentes,  
Post, haud Niligenum tumultis, haud mole superba  
Pyramidum, egesta bustum condemus arena.

Continuo se operi accingit, dentesq; rigentes,  
Vulnificosq; unguis acuit, dein pectore toto  
Demolitur humum, detritaq; segmina terra  
Egerit, & nitens aptam MARIÆ excavat Vrnā.  
Mox conclamatam conuoluens tegmine sancto  
Materiam, effusus planctu, adiutante Leone,  
Exiguo fouea lentus tumulauit hiatu.

At Leo summissa Patrem ceruice salutans,  
Natiuas, Agno assimilis, remeauit in oras.

Ille genu Pelusiacam veneratus Alumnam,  
Cænoby se in claustra refert, interq; cohortem  
Fraternam laxis sua gaudia prodit habenis,  
Et MARIAM memorat, MARIAM dū fluctibus almis  
Sol oritur, MARIAM gremium dum Tethyos intrat.  
Paullatimq; animas rumor dum gliscit in omnes,  
Quotcumq; aut pietas, aut ardor adegerat illuc,  
Spargitur in populos, NOMENQ; quod exijt Orbī  
Viribus exiguis primo, maioribus inde  
Auspicijs, nullaq; situm minitante senecta,  
Aeternam recipit duplicato sænore famam.

Libri Tertij, & ultimi de vita D. Mariae Ægyptiaca. FINIS.

T V M V L V S  
**D I V Æ M A R I Æ**  
**A E G Y P T I A C Æ.**



E Nili genuere plaga, quaq; arua Philippi  
 Prole tument, annos edocuerunt rudes;  
 Edocuerunt quidem, sed crimina, qua tamen Vrbe  
 Dauidis, auspicio Virginis, eluimus.  
 Hac in desertas Solyma transcribit arenas,  
 Egreiorq; nouem hic lustra, oboq; diem.  
 Zofimus hic iumulat, quā nunc Salomonis iuoris,  
 Inq; Helena Templis enihea seruat humus.  
 F. Christophorus Laurus Perusinus.

*In eandem a Io: Baptista Lauro decantatam.*

Marcus Ballarinus Seminarij Clericus.

**N**on sic pigmentis formas expressit Apelles,  
 Non sic Phabao lumine Stella micat;  
 Vt MARIAE gestas pingit res carmine LAVRVS;  
 Vt fulgore Dei Dia Virago micat.

**A D E V N D E M.**

Ic: Baptista Cecconius.

**D**ENT alij molles Elegos, pastoris ludant  
 Carmina, & omniferi fertile Ruris opus.  
 Heroum studia, ac dubij discrimina Martis,  
 Plenum lasciuis dent Epigramma notis,  
 Hac alij maturi auro: tu in flore Iuuenta,  
 Cum septenarij Sistra Sex tricereris eas,  
 Longe aliud moliris Epos, caelestia, LAVRE.  
 Plestra moues, Pharij PIGNORIS acta sonas.  
 Ergo alij Baccho crimes, Vel Apolline cingant,  
 Auspice tu Vero seria Tonante feres.

## R E G I S T R V M.

*Quaterniones quinque.**A B C D E.**Sed E est duernio.**P E R V S I A E,*


---

*Ex Typographia Vincentij Columbarij. M. D. C. IIII.*  
*SVPERIORVM PERMISSV.*